

N. 30. 78 L 1637 [45]

ODE

QVA

SOCIETATIS LATINAE

PRAESIDI ILLVSTRISSIMO

DIRECTORI SPECTATISSIMO

EPHORO GRAVISSIMO

SODALIBVS ILLVSTRIBVS EXCELLENTISSIMIS

CLARISSIMIS NOBILISSIMIS

DOCTISSIMIS

MAECENATIBVS PATRONIS

AC FAVORIBVS BENEVOLENTISSIMIS

QVOD CVNCTIS SE SVFFRAGIIS

IN SOCIETATEM FLORENTISSIMAM

ADSCIVERINT

GRATIAS AGIT

IOANNES MICHAEL GASSER,

GYMNASII HALLENSIS RECTOR.

HALLAE,

EX OFFICINA FÜRSTIANA.

clöboccliii.

24





Kapsel 78 L 16 37 [45]

Av



H ENRICE, magnis edite Patribus,

Maiorque gestis rebus & artibus

Doctis, auiti gloriamque

Nominis omne sacrans per ævum;

Quem clara virtus vexit ad æthera,

Cæloque duxit vis sapientiæ,

Quem PRAESIDEM arguta Camenæ

Et columen venerantur ingens:

);(2

FRA-

FRATRESQVE, fidus, WALCHIADAE, aureum,

Romana onustam qui regitis ratem

Merce, & freto res astuoso

Ducitis incolumes Latinas:

Vosque, o SODALES, fortia pectora,

Per quos Latinum nomen, & Italæ

Vires recrescunt, & vetustæ

Exsilio reuocantur artes;

Vos beluosum per mare curritis,

Præterque Syrtes saxaque inhospita

Vecti benigno fidere, aurî

Vellera magnanimi refertis.

O te beatam, IENA, ter & quater!

Quæ condis inter nubila verticem,

Collesque nunc Parnasso adæquas,

Quem coluere nouem forores.

Quin fabulosis Aoniæ iugis

Musas, & ipsum cum lyra Apollinem

Dedu-

Deducis ad fedes volentem
Auspicio meliore lectas.
Vnum poetis est opus ac labor,
Laudare castæ moenia Pallados,
Delphosque Phoebæ dedicatos,
Thessala vel celebrare Tempe.
Te, IENA, posthac perpetuo canent
Vates relicta carmine Græcia:
Per te feretur restitutum
Ausoniæ decus omne linguæ.
Cantu resultant iam iuga montium,
Redduntque valles multiplicem sonum;
Iam iamque sancto, Mater alma,
Concilio insereris deorum.
Si spiritus mi, si mihi carminis
Ars contigisset: nec paterer meis
Chartis te inornatam fileri,
IENA, mihi quoque cara nutrix.

Nam nostra quod mens, nostra quod indoles

Nutrita faustis est penetralibus,

Et quidquid est nobis, id omne

Muneris esse tui fatemur.

Sed non facultas hæc mihi contigit,

Nascentem amico nec Polyhymnia

Me lumine adspexit, nec ora

Castalio mihi tinxit amne.

At si poetæ præmia vel malo;

Si non Horati, si neque Virgilli

Est æmulari vim: Matinæ

Instar apis thyma per laborem

Circa Salinas, prataque fumidis

Vicina tectis, carpere plurimum

Adsueta, ego inuita Minerua

Carmina fingam operosa paruus.

Sed VESTRA si me gratia prouehit,

VESTRA aura tardum si leuat alitem;

Si

Si quid iuuat tutela Phoebi:

Barbiton intrepidus ciebo.

RVTHENE, Pindi præsidium & decus

Ienensis, a TE principium mihi,

TV finis idem: HENRICE, cygni

TE super astra ferent canori.

Iam mugientem non metuam Africum

Audaxque fluctus per medios trabe

Curram leui, portumque tangam,

Hoc DVCE, CASTORIBVSQVE * tutus.

Hæc dono grati munera pectoris,

(Sunt sola vatum hæc munera pauperum,

Qui verba, qui nil profuturas

Dant, tenuissima dona, chartas.)


Quod me fodalem Latiadum choro

Claro addidistis, qui titulis honor

An-

* Fratres *Walchiadas* intelligo, ambo Ienensis Academiae Professores celeberrimos.

Anteit, manu quos liberali
Aula dat immeritis malisque.
Hinc mente grata, donec ero, colam
Vestrum fauorem, & iudicium graue:
Lingua manūque, & si quid vsquam est,
Gratia nostra recens vigebit.




ULB Halle
001 544 11X

3



6778

N. 30. 78 L 1637 [45]



Farbkarte #13

B.I.G.



ODE

QVA

ATIS LATINAE

ILLVSTRISSIMO

ORI SPECTATISSIMO

RO GRAVISSIMO

YSTRIBVS EXCELLENTISSIMIS

SSIMIS NOBILISSIMIS

DOCTISSIMIS

ATIBVS PATRONIS

VS BENEVOLENTISSIMIS

NCTIS SE SVFFRAGIIS

TEM FLORENTISSIMAM

DSCIVERINT

GRATIAS AGIT

MICHAEL GASSER,

SII HALLENSIS RECTOR.

HALLAE,

ICINA FÜRSTIANA.

clöcccliii.

